

者俱行愁感行相對者同與欣踊行相對問曰以何等故於佛生疑說是弊惡於僧非耶答曰佛無過失之行若於佛生疑此疑無過而起僧少有過失之行可見若於僧生疑此疑因過而起以是事故因佛生疑名為弊惡因僧生疑不名弊惡復有說者一向無過故佛世尊乃至無有少過若於佛生疑此疑無過而起眾僧有少不隨順事可見故若於僧生疑因過而起以是事故因佛生疑名為弊惡惡因僧生疑不名弊惡如佛生疑法戒教亦如是問曰以何等故於僧生疑名為弊惡於佛非耶答曰若佛生恚此心偏重以偏重故更立重名名為橫惡

阿毗曇毗婆沙論卷第十

分十

鎧反若亥 鹹鹹二同 守守下 邏賀下 舍芝下 祠祀
似二字音 醢樓上 破仇下 捷疾上 才肘知

磧砂大藏經

阿毗曇毗婆沙論

卍

第七六册

反漂驛二字 正作驛上 膜音消 涸下音挑
土彫反 抉也也 鄙陋上 變孛上 孛子所 患反雙 糠挑
抉孛反 漢水上音 鍼針如 爪下之 指沓下 唐糠
詰甜非 添反上 酢醜上 醋用古 醒滑上 滋字同
哆反 可此 紫鞞硬 二吾更 反押 務上 蒲拜
酉音 粒糧上 同下 正作 梁愁 感下 晉反

阿毗曇毗婆沙論卷第十一

切一

雜捷度智品之六
 迦旃延子造 北涼沙門浮陀跋摩共造奉評

云何名身云何句身云何味身乃至廣說問曰何以故作此論答曰彼作經者意欲令乃至廣說復有說者彼尊者迦旃延子於此經中現種種事善於義相或有人疑彼但善於義不善於文為斷如是等疑欲現於文義中俱得自在故作此論復有說者如聲論家欲令字是色法字體是聲聲是色陰所攝為斷如是意故作如是說字是心不相應行行陰所攝復有說者此名身句身味身能照煩惱

出要法所以者何若稱煩惱名當知此法是煩惱若稱出要名當知此法是出要以名身句身味身能顯照煩惱出要法故而作此論復有說者以覺知名句味等法故有三種菩提差別其事云何答曰若增上慧覺知名等法是名爲佛若以中慧名辟支佛若以下慧名曰聲聞復有說者以覺知名等法故名佛一人爲無量說法者復有說者若不能觀察名句味身生大過患若能觀察生大善利其事云何若不能觀察名句味身則煩惱惡行之河常流不絕如罵瑠璃太子言婢子何以昇釋種堂彼以不能觀察四五字故與百千衆生墮惡道中彼若能觀察四五字者如山等惡行亦能堪忍以不觀察故有如是損滅問曰行者得他罵時云何觀察名身等令恚心不生答曰或有說者阿拘盧奢秦言是罵拘盧奢秦言喚聲行者作如是念我今不應念是阿字所以者何若有阿字是名爲罵若

無阿字名曰喚聲若我不念是阿字者使他人終日竟夜常作喚聲於我何爲生瞋恚心復有說者行者作如是念君以如是等字罵我於此方是卑陋語於他方是歎美語我若於此方卑陋語中生於憂苦於異方語生喜樂者我則常憂常苦常喜常樂誰有苦人與我等者以是事故不生恚心復有說者罵我者以是等字行者作是念讚歎我者爲以是字更有異字諦觀察之更無異字但此諸字次第顛倒言是罵是讚我今何爲於是字中而生瞋恚復有說者行者作如是念若人罵我以一界少入一入少入一陰少入餘不罵我者十七界一界少入十一入一入少入四陰一陰少入如是不罵我者多罵我者少而我何爲生瞋恚心復有說者行者作是念此罵名誰所成就爲是罵者爲是受罵者推之應是罵者成就若然者便是自罵於我何爲而生瞋恚復有說者行者作是念若以一字

則不成罵二字則成無有能一時稱二字者
 若稱後字時前字已滅不至後字如是但以
 意分別故言是罵者是受罵者以是事故不
 生瞋恚心復有說者行者作是念罵者及我
 一時同一刹那滅後生諸陰亦無罵者及受
 罵者罵法不可得故是以不生恚心復有說
 者行者作是念罵者受罵者皆悉是空所以
 者何無我無人無眾生無壽命無作無作者
 無受無受者但有諸陰空聚是故不生瞋心
 行者應以如是等法觀名身句身味身問曰
 何以復依名句味身作論耶答曰欲現此經
 文義具足故而作此論復有說者以依此文
 能顯明陰界入中衆多之義亦能讚歎佛法
 僧寶以是事故而作此論

云何名身名身胡者有三種一語名名二語
 名者一法一名二語名以上名者二法一名
 三語以上名多者身者三法三名以上名多
 名身句身味身亦如是此
 所問名身者問多語名身
 問曰何以問多語名身不問名不問名身耶
 如三

答曰彼作經者意欲介乃至廣說復有說者
 應問而不問者當知此是有餘之說復有說
 者名與名身悉入多語名身中是故問多語
 名身不問名與名身答曰名者稱語種種語
 增語想數施設世所傳說是謂名如是等語
 盡說是名問曰何故問多名身而答名耶答
 曰以名成滿多名身故多名身還成滿多名
 身復次名能生多名身多名身還生多名身
 是故問多名身答名問曰名多名身體性是
 何答曰是心不相應行已說體性所以今當
 說何故名名答曰名者亦名隨亦名求亦名
 合天竺名音中
 合此三義也隨者隨其所作有如是名求
 者以是名求有此物應復次求者四陰名求
 以四陰能取諸界能取諸趣能取諸生是故
 名求合者於義於造相應故名合問曰何故
 名多名身答曰衆多名合聚故名多名身如
 一鳥不名多鳥身衆多鳥名多鳥身馬等亦
 如是如是一名不名多名身衆多名合集名

多名身句身味身當知亦如是如有名有名身有多名身名者有一字名二字名多字名一字名者名曰名二字名者名曰名身多字名身者或說三字或說四字名多名身二字名者亦名名四字名身或六字或八字名多名身三字名者亦名名六字名身或九字或十二字名多名身四字名者亦名名八字名身或十二字或十六字名多名身如是乃至多字立門亦尔如名身味身當知亦如是云何句身此問多答曰隨句義滿現如是事是名句身所以引偈者為作證故如說諸惡莫作諸善奉行自淨其意是諸佛教彼諸惡莫作是初句乃至廣說隨句義滿者滿偈義也現如是事者顯明如是事也是名句身此偈有說有解如說諸惡是說莫作是解下諸句亦如是說如說諸惡於說是足於解不足於句是足於偈不足莫作於說於解於句足於偈不足乃至是諸於說足於解於

句足於偈不足佛教於說於解於句於偈足此偈是中不長不短八字為一句三十二字為一偈此結偈法名阿耨吒闍提是經論數法亦是計書寫數法六字為句者名初偈二十六字為句者是後偈或有減六字為句者此偈名摩羅云何味身答曰字說是味身所以引偈者為作證故如說
欲是偈本字即是味 偈依於名造是偈體欲是偈本者云何為欲答曰欲者欲造偈欲作偈是名為欲本者是所起是所因是名為本字即是味者諸字即是味偈依於名者偈依名有造是偈體者造者是作偈者偈從作偈者生如泉出水如乳房出乳偈從造者生故以為體
有名有名身有多名身有句有句身有多句身有味有味身有多味身被一字名者名曰名不名名身不名多名身不名句不名句身

不名多句身是名味不名味身不名多味身
二字名者名曰名不名名身不名多名身不
名句不名句身不名多句身是名味名味身
不名多味身彼二字名一字為名者名曰名
二字名名身不名多名身不名句不名句身
不名多句身是名味名味身不名多味身四

切一

五

字名者名曰名不名名身不名多名身不名
句不名句身不名多句身是名味名味身不名
多味身彼四字名一字為名者名曰名二字
名名身餘二字名多名身不名句不名句身
不名多句身是名味名味身不名多味身以二
字為名者名曰名名名身不名多名身不名
句不名句身不名多句身名味名味身名多
味身八字名者名曰名不名名身不名多名
身是名句不名句身不名多句身是名味名
味身名多味身彼八字名以一字為名者名
曰名名名身多名身名句不名句身不名
多句身名味名味身不名多味身以二字為名

亦如是四字為名者名曰名名名身不名多
名身名句不名句身不名多句身名味名味
身名多味身十六字為名者名曰名不名名
身不名多名身名句不名多句身不名多句身
味名味身名多味身彼十六字一字為名者
名曰名名名身多名身名句不名句身不名
多句身名味名味身多味身二字四字為
名亦如是八字為名者名曰名名名身不名
多名身名句不名多句身不名多句身名味
身名多味身三十二字為名者名曰名不名
名身不名多名身名句不名多句身不名
味名味身名多味身彼三十二字一字為名
者二字為名者四字為名者八字為名者如
前說十六字為名者名曰名名名身不名多
名身名句不名句身不名多句身不名多
多味身一字一名如上廣說一字二名者名
曰名名名身不名多名身不名句不名句身
不名多句身名味名味身不名多味身一字

四名者名曰名名身名多名身不名身不
 名句身不名多句身名味名味身名多味身
 一字八名者名曰名名名身名多名身名句
 不名句身不名多句身名味名味身名多味
 身一字十六名者是名句名句身不名多句
 身餘如上說一字三十二名者說皆具足二
 字一名如前說二字二名者名曰名名名身
 不名多名身不名句不名句身不名多句身
 名味名味身名多味身二字二名一字為名
 者如前說四字一名者如前說四字二名者
 名曰名名名身不名多名身名句不名句身
 不名多句身名味名味身名多味身被四字
 二名一字二字為名者如前說八字一名者
 如前說八字二名者名曰名名名身不名多
 名身名句名句身不名多句身名味名味身
 名多味身彼八字二名一字二字四字為名
 者如前說十六字為一名者如前說十六字
 二名者名曰名名名身不名多名身名句名

句身名多句身名味名味身名多味身被十
 六字二名一字二字四字八字為名者如前說
 問曰名為隨身處所為隨語處所答曰或有
 說者名隨語處所諸作是說名隨語處所者
 生欲界中作欲界語語是欲界名是欲界人
 是欲界所說義或三界繫或不繫生欲界作
 初禪地語語是初禪地名是初禪地人是欲
 界所說義或三界繫或不繫生初禪中作初
 禪地語語是初禪地名是初禪地人是初禪
 地所說義或三界繫或不繫生初禪中作欲
 界語語是欲界名是欲界人是初禪所說義
 如前說生二禪三禪四禪中作初禪地語語
 是初禪名是初禪人是二禪三禪四禪所說
 義如前說生二禪三禪四禪中作欲界語語
 是欲界名是欲界人是二禪三禪四禪所說
 義如前說問曰諸作是說名隨語處所者名
 是欲界初禪餘三禪地為有名不答曰或有
 說者無復有說者有而不可說評曰不應作

是說如前說者好復有說者名隨人處若作是說名隨人處者生欲界中作欲界語語是欲界名是欲界人是欲界所說義如前說生欲界中作初禪地語語是初禪地名是欲界人是欲界所說義如前說生初禪中作初禪地語語是初禪名是初禪人所說義如前說生初禪中作欲界語語是欲界名是初禪人是初禪人所說義如前說生二禪三禪四禪中作初禪地語語是初禪名之與人即是彼地所說義如前說生二禪三禪四禪中作欲界語語是欲界名之與人即是彼地所說義如前說問曰若作是說名隨人處者二禪三禪四禪地有名無色界為有名不答曰或有說者無復有說者有而不可說評曰不應作是說如前說者好

非報者此經云何通如佛告阿難我亦說名從業生答曰此中說業成勢果言從業生如作如業亦生好名問曰名當言善不善無記耶答曰名當言無記問曰誰成就此名為是說者為是所說法耶若是說者斷善根人亦說善法可成就善耶離欲人亦說不善可成就不善耶若是所說法者非眾生數法及無為法亦是所說法可成就名耶答曰應作是說名是說者成就問曰若然者斷善根人亦說善法離欲人亦說不善法可成就善不善耶答曰不也所以者何彼雖成就善不善法名然名體是無記法

切一

八

聲聞一心能起一語一語不能說一字問曰如說何此非一字耶答曰今所時已經多利那世尊一心起一語一語說一字惟佛世尊其言輕疾言聲無過辯辯第一

問曰諸法過去有過去現在未來名耶答曰有過去法有過去名者如毗婆尸佛以如是

名說過去法過去法有未來名者如彌勒佛以如是名說過去法過去法有現在名者如今現在以如是名說過去法頗未來法有未來名者如彌勒佛以如是名說未來法未來法有過去名者如毗婆尸佛以如是名說未來法未來法有現在名者如今現在以如是名說未來法頗現在法有現在過去未來名耶答曰有現在法有現在名者如今以今如是名說現在法現在法有過去名者如毗婆尸佛以如是名說現在法現在法有未來名者如彌勒佛以是名說現在法

如語能說名名能顯義問曰一切名盡能顯義不耶答曰一切名盡能顯義問曰若然者以如是名顯斷常見第二頭第三手第六陰第十三入第十九界如是等名為顯何義答曰顯衆生常想斷想第二頭想第三手想第六陰想第十三入想第十九界想顯如是等

切一

九

義問曰若以名顯一切法無我此何所不顯答曰或有說者不顯自體相應共有餘法悉顯復有說者唯除自體餘法悉顯復有說者唯除四字所謂諸法無我餘法悉顯復有說者一切法悉顯所以者何如婆字顯婆字安字顯安字

問曰為名多耶為義多耶答曰或有說者義多何以故義攝十七界一界少入十一入一少入四陰一陰少入名攝一界一入一陰少入復有說者名多非義多何以故一義有多名故如尼捷茶書分別諸名一義有千名評曰如是說者好義多非名多所以者何不須更以餘事但以攝界等多故義攝十七界一界少入十一入一入少入四陰一陰少入名攝一界一入一陰少入彼名亦是義若然者應全攝陰界入復有說者若以說法故則名多於義所以者何世尊說法一義以多名說故若以陰界入則義多於名

問曰義爲可說不耶若可說者說火則應燒舌說刀則割舌說不淨則汚舌若不可說云何不顛倒耶如索象則馬來如索馬則象來此經復云何通如佛告比丘我所說法文亦善義亦善答曰應作是論義不可說問曰若然者云何所索非顛倒耶答曰古時人立於象名有如是想索象則象來非馬索馬則馬來非象復有說者語能生名名能顯義如是語生象名象名能顯象義馬等亦如是此經云何通者尊者和須蜜答曰說顯義文故言說義復有說者爲破外道所說法故外道所說或無義或有少義世尊所說有義有多義是故言說義復有說者外道所說文與義相違義與文相違世尊說法文不違義義不違文問曰文義有何差別答曰文者味義者所味問曰彼味亦爲餘味所味彼味亦是所味耶答曰彼味亦是所味問曰若然者味與所味有何差別答曰所味是十七界一界少入

十一入一入少入四陰一陰少入所攝味是一界一入一陰少入所攝復有說者義是色非色文是非色如色非色相應不相應有依無依有勢用無勢用有行無行有緣無緣文是不相應乃至是無緣復有說者義是可見不可見文是不可見義是有對無對文是無對義是有漏無漏文是有漏義是有爲無爲文是有爲義是善不善無記文是無記義是墮世不墮世文是墮世義是三界繫不繫文是欲色界繫義是學無學非學非無學文是非學非無學義是見道斷修道斷不斷文是修道斷義是染汚不染汚文是不染汚如染汚不染汚有過無過黑白隱沒不隱沒退不退有報無報文是不染汚乃至是無報文義是謂差別

如經說云何爲名四陰爲名問曰如名是心不相應行陰所攝以何等故世尊說四陰非色陰爲名耶答曰佛說色法非色法爲二分

諸色法為色陰諸非色法為四陰諸顯義名是心不相應行陰所攝

名有六種所謂功德生處時隨欲作事相功德為名者如誦修多羅故名修多羅者誦毗尼故名持律者誦阿毗曇故名阿毗曇者以得須陀洹果故名須陀洹乃至得阿羅漢果

切一

十一

者名阿羅漢生處為名者城中生者名城中人如是隨何國生名彼國人時為名者如小兒時名為小兒如老時名為老人隨欲名者如生時父母為作名亦沙門婆羅門為作名作事名者如能畫故名為畫師能銅鐵作故名銅鐵師相為名者如拄杖執蓋故名為拄杖執蓋者復有說者有四種名所謂一想二枳氏三咀地多四三摩婆想為名者如世貴人以奴為名如貧賤人以貴為名枳氏為名者能腹行故名腹行蟲咀地多為名者如事毗紐天名事毗紐天者如從婆修提婆天生名婆修提婆子三摩婆為名者如牛駝色名

為駝牛如人為王名為王人復有說者名有二種所謂生作生為名者如婆羅門利利毗舍首陀作為名者如生時父母為作名若沙門婆羅門為作名復有說者生為名者如生時父母為作名亦沙門婆羅門為作名作為名者後時親友知識更為作名名第二名復有說者有二種名所謂有相無相有相為名者如無常苦空無我陰入等名無相為名者如眾生人那羅禪頭等名若佛出世作有相名若佛不出世唯無相名復有說者有二種名所謂共不共不共為名者如三寶等名共為名者諸餘名復有說者一切名盡是共無不共名所以者何一義可立一切名一切義可立一名復有說者有二種名所謂決定不決定決定為名者如須彌山四天下大海此世界始成時是決定名不決定為名者諸餘等名復有說者無決定名所以者何諸餘邊方亦為須彌山等更作餘名評曰如是說者

好世界初成時名須彌山四天下大海名亦如是問曰如劫盡時一切散壞誰復作此名答曰或有說者是仙人入定力復傳此名復有說者衆生有因力能說此名問曰諸名爲先有共傳爲更有新作者答曰世界初成須彌山等諸名先有共傳餘名不定復有說者

十一

十二

名有二種所謂物作物爲名者如提婆達多延若達多若作爲名者如作者刈者爨者讀者等名問曰爲有知名邊際者不答曰有唯佛能餘無知者所以者何以佛能知一切名邊際故名一切智

如經說如來出世便有名身等出現世間問曰若佛出世若不出世常有名身等現於世間何以言如來出世便有名身等出現世間答曰言名身等出世者所謂陰界入名隨順無我隨順解脫隨順空斷人見生覺意背煩惱向出要止愚癡生智慧斷猶豫生決定獸生死樂寂靜斷外道意歎內道意爲說如是

等名身言出現世間

問曰如火名火此名爲是有相名爲是無相名耶答曰是有相名如向所說一切顯義名此名是有相問曰若然者火有何相答曰凡義有二種有相無相如火外無火相言是無相如燄是火相言有火相

佛經有三種名說法謂去來今問曰此三種名說法體性是何答曰如波伽羅那說三種名說法體性攝十八界十二入五陰問曰如波伽羅那說三種說法體性攝十八界十二入五陰所說是語所顯是名應是一界一入一陰少入云何說攝十八界十二入五陰答

十一

十三

曰或有說者取三種名說法及眷屬故其事云何答曰語能生名名能顯義故說及其眷屬復有說者爲三義說法故言三名說法所以者何說者聽者皆爲於義以是事故盡攝陰界入問曰何故有爲法說是三名說法不說無爲法耶尊者須蜜答曰此經爲說有

為法有為法不得作第四第五名說法復有
說者此經為說一切法無為法墮現在世中
所以者何以現在法能證得無為法故以是
故無為法亦在三種名說法中復有說者若
有三性者說是三名說法三性者所謂語名
義無為法雖言有義無語無名是故說不在
三名說法中

問曰何故世尊說世是三名說法答曰
或有說者為止外道意故外道於世中
愚故復有說者為壞未來世中說無過去未
來者意故是故說世是三種名說法復有說
者外道作如是說若無我者是人說法終無
所為為壞如是意而作是說雖無有我為世
故說問曰若為過去說法解未來現在事若
為未來說法解過去現在事若為現在說法
解未來過去事於三種名說法中為是何名
說法答曰或有說者如是說者於三種名說
法中是異說復有說者若為過去說法解未

來現在事者為過去即過去世解未來現在
事即未來現在世攝乃至為現在說過去未
來亦如是復有說者若作是說是說三世義
若為過去是說過去義解未來現在是說未
來現在義未來現在亦如是

如經說有三種名說法無第四第五問曰若
說三種名說法有說有解於義已足何以復
言無第四第五答曰無第四者遮有第四世
無第五者決定此義無第五世復有說者無
第四者遮第四世無第五者遮無為法復有
說者應說四種名說法所謂四聖諦無第五
者無第五諦無第六者遮虛空非數滅

十四末

復有說者應有五種名說法所謂五陰無第
六者無第六陰無第七者遮無為法此為三
世名說法故無第四第五應有一種名說法
所謂作觀無第二第三無第二者無第二作
觀無第三者遮作觀所不攝法復有說者應
有二種名說法所謂定慧無第三者無第二

定若第二慧無第四者遮定慧所不攝法此
說三世名說法故無第四第五無第四者遮
第四世無第五者遮三世所不攝法以如是
數法應說三解脫門說四諦五陰六聖明分
想七覺分八道分九次第定十種無學法如
來十力應有十種名說法無第十一第十二
無第十一者無第十一力無第十二者遮十
力所不攝法

阿毗曇毗婆沙論卷第十一

切一

菟吒上奴候反闍呂演反評曰上音平插杖上
下竹家反闍呂演反評曰上音平插杖上
作操十枳上居亦反又居但反丁達毗細
力反駁必角延若者下洪刈反魚吠曩之呂反
亦作曩亦

阿毗曇毗婆沙論卷第十二

切二

迦旃延子造北涼苕浮陀跋摩共造譯

雜捷度智品之七

即彼經說應以四事察人是長老為可與語
為不可與語云何為四一不住是處非處二
不住智論三不住分別四不住道迹問曰如

此四事有何差別答曰或有說者不住是處
非處者不如實知是處非處不住智論者不
如實知智與知不住分別者不如實知世諦
第一義諦不住道跡者不如實知此身集道
跡不如實知此身滅道跡復有說者不住是
處非處者如眼色能生眼識乃至意法能生
意識名為是處不如實知者名為不住不住
智論者不如實知十智不住分別者不如實
知了義不了義經不住道跡者不如實知四
種道跡復有說者不住是處非處者不能自
定所說是處非處不住智論者不能堪忍分
別前後問答不住分別者不如實知詭誑真
實不住道跡者他如法問心不悅可復有說
者不住是處非處者不別有無不住智論者
不解智人論不住分別者不知假設無有是
處之言不住道跡者無有隨應覺意復有說
者不住是處非處者於所言論不別自義他
義不住智論者於先所聞執著不捨後所聞